



Synfocity = 1038

mail us at : mzsynfo@gmail.com; mizoramsynod@gmail.com - Phone - 2314648

June 18, 2026

❑ Synod Hotute Cambodia & Philippines-ah zin

June 5 -13, 2025 chung khan Rev B. Zohmangaiha, Synod Secretary leh Rev. Dr. Rosiamliana Tochwawng, Executive Secretary-te chu Cambodia leh Philippines-ah Mission rawngbawlna thil tulah an zin.

Cambodia-ah hian Synod Mission Board rawngbawlpui tualchung kohhran engemaw zatin kohhran pakhata insuihkhawm an duh a, tanpui turin SMB an ngen a. SMB chuan an ngenna chu tihhlawhtlin ngei a duh a. Rev. B. Zohmangaiha leh Rev. Dr. Rosiamliana Tochwawng te hian Phnom Penh khawpuiheng heng inzawmkhawm duh Pastor aiawh te hi an kawm a, hmalak dan tur an rel ho a ni a. Cambodia a Synod Mission Board rawngbawlna te an tlawh nghal bawk.

Cambodia-ah hian Synod Mission Board hian hun engemaw chen rawng a bawl tawh a, tunah hian Missionary Pastor leh missionary bakah tentmaker engemaw zahin rawng an bawl mek a ni.

Philippines khawpui Manila-ah Asian Conference on Church and Mission (ACCM 26)-ah an tel zui a. He Conference hi Grace Christian Fellowship (GCF) Metro Church, Manila-ah neih niin khawvel ram hrang hrang 25 atangin palai 210 an tel a. Disciple or Die tih thupui hman a ni a, Isuan 'Zirtir-ah te siam rawh u' a tih pawimawh zia sawi ho a ni.

❑ Synod Mission Board vawi 189-na an thu

June 17, 2026 (Nilaini) khan Synod Ramthar Board vawi 189-na chu J.M. Lloyd Hall, Synod Office-ah an thu a, Aizawl khawpui chung atangin member 27 leh Aizawl khawpui pawn atangin member 54, an vaiin member 81 an kal.

Thut khawm hi Synod Moderator, Rev. John Raldosanga'n a kaihrui a, Rev. R. Lalhmingsanga, Board Secretary-in report a pe a, report-ah hian Masihi Sangati Evangelist 8 leh Contract Missionary mi 20 tirhchhuah thu te, Presbyterian Hindi Bible School, Bawngkawn-a 76th Batch zirchhuak mi 14 te pualin Khatla Kohhran Hall-ah Graduation Day hman a nih thu te, Beauty Culture as a Mission thupui kalpui zelnaah Training Centre atan Lash Studio, Chanmari, Aizawl nen kum 3 chung atan inremna thuthlung siam a nih thu te, Lucknow Mission Field-a thawktu 2, Anti-Conversion Law hmanga thubuui an siamsak te chu an zalen tawh thu te, Ramthar Board 187:9 of 23&24.10.2025-in Children Education Allowance ruahmanna thar a duan chu April 2026 atanga hman tura rel leh circular tihchhuah a nih thu te, Synod Executive Committee-in a lo rel tawh angin Mawdun, Shillong-ah Kristian Thlanmual atan ram lei a nih thu te, Synod Home Mission School, Zomuantlang chuan Mizoram sawrkar hnen atangin School Permission an hmuh thu te, Karbi Anglong Mission Field chungaha School 7 ten School Permission/Recognition an hmuh thu te, Synod Mission Board-in Professional Ministry a kalpui mekah kum 3 chung atan Mizoram Football Association (MFA) nen inremna an ziah thu te, MTC hnuaia B.Miss zir zo mi 14 te pualin Graduation Day, Mission Vengthlang Kohhran Golden Jubilee Hall-ah neih a nih thu te, SMB hnuaia School 19 te HSLC result 2025-2026 ah zirlai 94% pass an neih thu te, May 12-22, 2026 chung khan Field Secretary leh Field Pastor tharte puala Orientation Training, MTC, Mission Vengthlangah neih a nih thu te, EFI sawmna angin Asia Conference on Church & Mission 2026 programme, Philippines-ah June 9-12 chung khan Rev. Dr. Rosiamliana Tochwawng, Executive Secretary leh Rev. B. Zohmangaiha, Synod Secretary an tel thu leh Cambodia-a SMB hmalakna awm mek (Kohhran hrang hrang hmun khata lawi ho chungchang)-ah Kohhran hruaitute nen inkawmna hun an neih nghal thu te, Contract Missionary mi 341-te June 2026 atanga dah ngheh an nih thu te, Upa Lalfakawma s/o Tlangthangluaia, Mualkhang chuan Masihi Sangati rawngbawlana atan a ram Mualkhang a mi a pek chu April 16, 2026 khan ram inhlanna neih a nih thu te, May 28-31, 2026 chung khan Central Region Missionary Retreat chu Luangmual Kohhran Biak Inah tluang taka neih a nih thu te tarlan a ni.

Tun tumah hian thu ngaihtuah tur 10 chhawp chhuah a ni a, Presbyterian Hindi Bible School kaihhruaina 2026 chungchang te, SMB hnuaia School Staffing Pattern chungchang te, Presbyterian Hindi Bible School zirlai award chungchang te, Mission Pastor Bial thar chungchang te leh Asia Chhimchhaka Pastor rawngbawl dan tur chungchang te chu a langsar zual te an ni.

- ❑ **Synod Hospital, Durtlang-a ICU tihlen leh chei that hna zawh a ni**
Synod Hospital, Durtlang ICU tihlen leh chei that hna chu thawh zawh a ni a. June 16, 2026 (Thawhlejni) chawhnu dar 2:30 khan Rev. Dr. K. Lallawmzuala, Executive Secretary, i/c Hospital-in tawngtaiin Pathian hnenah a hlan. ICU-ah hian khum 12 a awm dawn a, room leh bungrua te hi enchhinna neih fel a nih hunah luah luh tur a ni ang.
- ❑ **KTP**
June 8, 2026 (Thawhtanni) zan khan Ainawn Veng Branch-ah 'KTP Thil Tum Ngaihpawimawh' tih thupui zirtirna hun hmangin Pu Lalduhawma Chhange, Finance Secretary leh Tv. Zochhuanmawia, Committee Member te an kal.
- ❑ **Worship**
June 10-12, 2026 chung khan Sailutar Kohhranah Zai Hruai Training neihpuiin Tv. Samuel VL Hruaitluanga, Music Instructor leh Pu Lalhmangaihzuala, Trainer te an kal a, training-ah hian 20 vel an kal a ni.
- ❑ **Finance**
June 12, 2026 (Zirtawpni) zan khan Tanhril Bialah Sum Vawn Dan training neihpuiin thawktute, Upa David Lalnunfela leh Upa R. Lalbiakdika te an kal.
- ❑ **MSSU**
 - ◆ June 16, 2026 (Thawhlejni) khan Tuihaphai Presbytery-ah Sunday School Zirtirtu training neihpuiin Upa Lalthahluna Ralte, Coordinator leh Upa Hrilthansanga, Trainer-te an kal.
 - ◆ June 20, 2026 (Inrinni) hian Sunday School Zirtirtu Training neihpui turin trainer-te hetiang hian an chhuak ang:
New Serchhip Bial : Upa B. Lalhmunliana, Upa B. Malsawmtluanga leh Upa Isak Zarzoliaana Chhange College Veng Kohhran : Upa K. Zoremsanga leh Upa Zionparlawma
- ❑ **SL&PB**
June 20, 2026 (Inrinni) hian Library tha endik turin Mamit leh Kolasib Diakkawnah Rev. P.B. Zosaphara, Editor leh BEC member-te, Upa R. Lallianzuala, Upa Dr. Lalthanliana leh Upa K. Lalthawmmawia te an kal ang.
- ❑ **Rualbanlote Ni**
June 21 (Pathianni) hi Rualbanlote Ni a ni a. Synod chuan zan lam inkhawm atan thupui pakhat a ruahman a, tualchung kohhranin remchang a tih angin chhun lamah emaw zan lamah emaw hman theih a ni. Kum 1996 Synod Inkhawmpuiin Rualbanlote Ni hman tura a rel chu Synod Executive Committee-in a bawhzui a, June thla Pathianni wawi thumnaa hman turin a rel a ni. Kum 1998 atangin Nilai leh Beihruai Thupui Bu-ah telh a ni a. Lal Isua rawngbawlina chhunzawma rualbanlote kan ngaihsak zel theih nan Kohhranin he hun hi a hmang thin a ni.
Thupui zir tur "Rualbanlote chanvo tha siamsak" tih a ni a, Bible chhiar tura tarlan chu - II Samuela 4:4, 9:6-13, Matthaia 25:40 a ni.
- ❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Zote	Damlo	2	₹ 20,000/-
2.	Bunghmun North	Damlo	2	₹ 20,000/-
3.	Tlungnuam Vengthar	Damlo	2	₹ 20,000/-
4.	East Phaileng	Damlo	1	₹ 10,000/-
5.	Kawrtethawveng	Damlo	1	₹ 10,000/-
6.	Thingsai	Damlo	1	₹ 10,000/-
7.	Cherhlun	Damlo	1	₹ 10,000/-
8.	Sailam Veng	Damlo	1	₹ 10,000/-
9.	Phullen Vengthar	Damlo	1	₹ 10,000/-

Belh khawm ₹ 1,20,000/-

May 2026 thla chhunga harsatna hrang hrang tawkte hnena Synod Relief Fund atanga chhawmdawlina sem zat chu ₹ 11,06,000/- a ni.

☐ **Hruaina Eng TV Programme**

- 18.6.2026 (Ningani) 08:30 pm : Thupui zir bing
19.6.2026 (Zirtawpni) 05:00 pm : Kristian Naupang Pual
20.6.2026 (Inrinni) 05:30 pm : Puitling Sunday School Zirlai
21.6.2026 (Pathianni) 07:00 am : Rualbanlote Ni Sermon - Upa R. Vanlaldika, Durtlang
23.6.2026 (Thawhlehi) 06:00 pm : Nilai zan thupui
08:30 pm : Kohhran Chanchin - Kulikawn West Kohhran

☐ **FM Zoawi - Aizawl & Lunglei : Hruaina Eng Radio Programme**

June 19, 2026 (Zirtawpni) @ 7:30 p.m. :

- Solo** : Cindy Lalthanpuii - Ka famkim lohna ti famkimtu
Zaipawl : Mizoram Synod Choir - Ka enna
Thusawi : Upa C. Lalsangluaia - Malsawmna kan dawn te hi engtin nge kan hman thin?
Solo : Zorema Khiangte - Babulon luikam
Lengkhawm zai : Chawlhmun Kohhran - KHB 65 'Rilru lawm zawng te u'

☐ **Moderator leh Executive Secretary-te Programme :**

Rev. John Raldosanga, Moderator Programme:

- June 20-21, 2026 Lallen Bial
June 24, 2026 MKHC Committee
June 25, 2026 MSSU Executive Committee
June 26, 2026 Hospital BEC

Rev. V.L. Luaia Hranleh, Senior Executive Secretary Programme:

- June 22-28, 2026 Zin programme nei lovin Office-ah a thu ang.

Rev. Dr. K. Lallawmzuala, Executive Secretary Programme:

- June 19, 2026 Hospital Consultative Committee
June 22, 2026 Women Centre Managing Committee
June 23, 2026 Central Kohhran Hmeichhe Committee
June 24, 2026 CCM Working Committee
June 25, 2026 MSSU Executive Committee
June 26, 2026 B.Sc. Nursing zir tur interview Board

Rev. Dr. Rosiamliana Tochwawng, Executive Secretary Programme:

- June 22, 2026 Synfo Committee
June 24, 2026 Worship Cell
June 25, 2026 Central KṚP Committee
June 26, 2026 MTC Day hmanpui

June 23, 2026-a Synod Officers' Meeting (OM)-ah Moderator leh Executive Secretary-te an thu ang.